

『續日本紀』33 寶龜五年十月己巳条

冬十月己巳。散位從四位下國中連公麻呂卒。本是百濟國人也。其祖父德率國骨富。近江朝廷歲次癸亥屬本蕃喪亂歸化。天平年中。聖武皇帝發弘願。造盧舍那銅像。其長五丈。當時鑄工無敢加手者。公麻呂頗有巧思。竟成其功。以勞遂授四位。官至造東大寺次官兼但馬員外介。寶字二年。以居大和國葛下郡國中村。因地命氏焉。